

Sarajevo, 04-12-2024

Broj: 73-11-3-42938



**KLINIČKI  
CENTAR  
UNIVERZITETA  
SARAJEVO**

Na osnovu člana 70. Zakona o javnim nabavkama („Službeni glasnik BiH“, broj 39/14, 59/22 i 50/24), člana 48. Statuta KCUS-a (Sl.novine FBiH br. 73/13), člana 25. Pravilnika o javnim nabavkama Kliničkog centra Univerziteta u Sarajevu (65-04-2-4654-1 od 01.02.2023.godine), te **Rješenja Ureda za razmatranje žalbi broj JN2-01-07-1-2740-6/24 od 07.11.2024.godine (KCUS broj 73-11-3-40678 od 15.11.2024.godine)**, na prijedlog Komisije za javnu nabavku Izvještaj broj 10-33-4-29775-5 od 02.12.2024.godine, V.D. Generalnog direktora donosi:

### ODLUKU

o izboru najpovoljnijeg ponuđača za  
„Nabavku digitalnog RTG angiografskog uređaja sa pratećim sistemima za potrebe  
Klinike za bolesti srca, krvnih žila i reumatizam KCUS-a“

### I

Prihvata se prijedlog Komisije za javnu nabavku, **Izvještaj broj 10-33-4-29775-5 od 02.12.2024.godine**, za postupak „Nabavke digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a“, nakon provedenog otvorenog postupka objavljenog na portalu e-Nabavke sa Obavještenjem o nabavci broj 893-1-1-148-3-376/24 od 26.04.2024.godine, Ispravke obavještenja o nabavci broj 893-1-1-148-8-479/24 od 18.06.2024.godine i Ispravke obavještenja o nabavci broj 893-1-1-148-8-624/24 od 12.08.2024.godine, donese Odluka o izboru najpovoljnijeg ponuđača i ugovor o nabavci dodjeli ponuđaču **BERG d.o.o. Sarajevo, koji je jedini dostavio prihvatljivu ponudu u iznosu od 1.999.900,00 KM bez PDV-a**, u skladu sa Aneksom 3 – tehničkom specifikacijom, odnosno dostavljenom ponudom broj P-PON-24-02011/24 od 13.08.2024.godine (KCUS broj 10-11-3-29746 od 20.08.2024.godine).

Osnovni elementi ugovora:

- Ukupna vrijednost nabavke: **1.999.900,00 KM bez PDV-a + PDV 339.983,00 KM = 2.339.883,00 KM sa PDV-om**
- Ponuđena cijena je nepromjenjiva, izražena u KM i podrazumjeva demontažu postojećeg angiografskog RTG uređaja (iznošenje istog na lokaciju u krugu KCUS-a koju odredi ugovorni organ), **radove/adaptaciju tj. prilagođavanje prostora zahtijevanim uslovima za rad sa predmetnom opremom**, isporuku, montažu i puštanje u rad nove opreme, te edukaciju uposlenika ugovornog organa
- Uslovi plaćanja: u roku 30 dana od dana okončanja radova/adaptacije/prilagođavanja postojećeg prostora zahtijevanim uslovima za rad sa predmetnom opremom, te isporuke, montaže, puštanja u rad opreme i edukaciju osoblja (u skladu sa uslovima definisanim tenderskom dokumentacijom i odabranom ponudom), te nakon potpisivanja zapisnika/protokola o primopredaji opreme i ispostavljanja fakture.
- Garantni rok na isporučenu robu je 18 (osamnaest) mjeseci i teče od dana potpisivanja zapisnika/protokola o primopredaji.
- Rok za demontažu stare/postojeće opreme, isporuka, montaža, potpuna integracija i puštanje u rad nove opreme, te edukacija uposlenika za rad na istom, će se izvršiti u roku 120 (stotinu dvadeset) dana, po potpisivanju ugovora i izdavanja narudžbenice.

OPIS		Količina (kom)	Berg d.o.o. Sarajevo
1.	Angiografski sistem za interventne kardiološke procedure sa pratećim sistemom	1	CANON MEDICAL ALPHENIX-INF8000V/ZF; FYSICON B.V QMAP HEMO-01076101; FIMI SRL BARCO MONITOR-MDRC2324-HNB; BOSTON S.C IVUS-AVVIGO +-H7492493320CO <b>1.921.400,00</b>
2.	Injektor kontrastnog sredstva	1	AVANTA / AVA 500 TABL, BAYER MEDICAL CARE INC. <b>78.500,00</b>
Ukupna vrijednost bez PDV-a			<b>1.999.900,00</b>

### II

Izabrani ponuđač **BERG d.o.o. Sarajevo**, sa sjedištem u ulici Grbavička 7a., 71 000 Sarajevo, je dostavio dokaze u sklopu svoje ponude kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14, 59/22 i 50/24), i nije u obavezi ponovnog dostavljanja istih.

### III

Ova Odluka stupa na snagu danom donošenja i u skladu sa zakonskim propisima će biti dostavljena ponuđačima učesnicima postupka javne nabavke i objavljena na web stranici KCUS-a.

## OBRAZLOŽENJE

U skladu sa **Rješenjem Ureda za razmatranje žalbi broj JN2-01-07-1-2740-6/24 od 07.11.2024.godine (KCUS broj 73-11-3-40678 od 15.11.2024.godine)** donesenim na osnovu Izjašnjenja Kliničkog centra Univerziteta u Sarajevu (u nastavku Ugovorni organ) po uloženoj Žalbi ponuđača **BERG d.o.o. Sarajevo, broj INT2024-101 od 10.10.2024.godine (KCUS broj 73-11-34744-1 od 11.10.2024.godine)** na Odluku o poništenju postupka nabavke broj 73-04-4-34744 od 02.10.2024.godine, Komisija imenovana Odlukom V.D Generalnog direktora KCUS-a br. 73-04-4-29163 od 15.08.2024.godine, je ponovno sačinila Zapisnik o pregledu i ocjeni ponuda, te shodno tome u nastavku dala hronološki slijed rada na predmetnom postupku nabavke:

- Postupak javne nabavke je proveden na osnovu Odluke o pokretanju postupka javne nabavke broj 58-11-3-15461-1 od 24.04.2024. godine, putem otvorenog postupka sa Obavještenjem o nabavci broj 893-1-1-148-3-376/24 od 26.04.2024.godine, Ispravke obavještenja o nabavci broj 893-1-1-148-8-479/24 od 18.06.2024.godine i Ispravke obavještenja o nabavci broj 893-1-1-148-8-624/24 od 12.08.2024.godine, za čiju realizaciju su odobrena finansijska sredstva u iznosu od **2.000.000,00 KM bez uračunatog PDV-a**, uz zaključenje ugovora, a sredstava su planirana Planom javnih nabavki za 2024.godinu, pod klasifikacijom **Robe -investicije, redni broj 224**. (Odluka o usvajanju Plana JN KCUS-a za 2024.godinu, broj: 58/24, broj protokola 65-04-4-3780 od 30.01.2024.godine).  
Uslovi plaćanja predviđeni za postupak nabavke su odgođeno plaćanje 30 dana po ispostavljenom računu (na osnovu akta Sektora za finansijsko, knjigovodstvene i planske poslove br. 56-11-3-14934). Za navedeni postupak nabavke je predviđeno provođenje e-aukcije, a kriterij vrednovanja ponuda je najniža cijena
- Na osnovu Obavještenja kao i Ispravki obavještenja navedenih u prethodnoj tački objavljenih na portalu e-nabavke tendersku dokumentaciju za postupak javne nabavke preuzelo je ukupno 14 (četnaest) potencijalnih ponuđača, a u ostavljenom roku za prijem ponuda naznačenom u Ispravci obavještenja o nabavci br 893-1-1-148-8-624/24 od 12.08.2024.godine, do 21.08.2024.godine do 09:30 sati na Protokol KCUS-a su dostavljene 3 (tri) ponude, što je evidentirano i Zapisnikom o zaprimanju ponuda broj 10-33-4-29775 od 21.08.2024.godine.

Red. broj ponude	Naziv ponuđača	Broj i datum ponude	KCUS broj, datum i vrijeme prispjeća ponude	Ukupna cijena bez PDV-a (KM)
1.	<b>Berg d.o.o. Sarajevo</b>	P-PON-24-02011/24 od 13.08.2024.godine	10-11-3-29746 od 20.08.2024.godine u 14,35 sati	<b>1.999.900,00</b>
2.	<b>Medicom d.o.o. Bijeljina</b>	132/24 od 21.08.2024.godine	10-11-3-29762 od 21.08.2024.godine u 08,25 sati	<b>1.997.000,00</b>
3.	<b>Siemens Medicina d.o.o. Sarajevo</b>	SM07/2024 od 20.08.2024.godine	10-11-3-29767 od 21.08.2024.godine u 08,54 sati	<b>2.000.000,00</b>

- Javno otvaranje ponuda održano je dana 21.08.2024.godine u 10,00 sati u sali za sastanke na lokaciji Objekat Tehničkog sektora (C9) Bolnička br. 25. uz prisustvo članova i sekretara Komisije, referenta protokola (Merima Hodžić), te predstavnika ponuđača:
  - Berg d.o.o Sarajevo g-din Juzubašić Adi po Ovlaštenju bb. od 21.08.2024.godine.
  - Medicom d.o.o. Bijeljina g-din Velibor Vujić po Punomoći br. 1884/24 od 20.08.2024.godine.

Komisija je prilikom preuzimanja ponuda od strane referenta protokola iste obilježila rednim brojevima od 1 do 3. i konstatovala da su blagovremene, uredno obilježene i ovjerene od strane ponuđača, te u prisustvu referenta protokola i predstavnika ponuđača izvršila otvaranje ponuda, a budući da su iste uvezane i osigurane jemstvenikom radi zaštite od eventualnih zloupotreba izvršila potpisivanje i ovjeru prve i posljednje stranice ponuda, kao i potpisivanje i ovjeru koverti u kojima su ponude dostavljene. Nije bilo primjedbi na rad Komisije pri prijemu i otvaranju ponuda od strane predstavnika ponuđača.

U skladu sa Članom 8. Pravilnika o uspostavljanju i radu Komisije za nabavke (Sl.glasnik BiH br.103/14 i 49/23) Komisija je sačinila Zapisnik sa otvaranja ponuda protokolisan pod brojem 10-33-4-29775-1 od 21.08.2024.godine, u koji su uneseni slijedeći podaci: broj protokola ponude, naziv ponuđača i ukupna vrijednost ponuda bez PDV-a, te isti putem e-maila/faksa u zakonskom roku dostavila ponuđačima učesnicima postupka javne nabavke.

- Analizom dostavljene dokumentacije za predmetni postupak nabavke, Komisija je u skladu sa zahtjevima koje je Ugovorni organ naveo i objavio i u tenderskoj dokumentaciji, a koje su ponuđači trebali da ispune da bi stekli uslove za dalju kvalifikaciju u javnom nadmetanju putem Zapisnika o pregledu i ocjeni ponuda broj 10-33-4-29775-2 od 26.09.2024.godine donijela sljedeće zaključke:
  - Ponudu **ponuđača Berg d.o.o. Sarajevo, ocijenila kao NEPRAVILNU jer ista nije ispunila** zahtjeve tražene tenderskom dokumentacijom, odnosno odgovorima od strane ugovornog organa na pitanja koja su ponuđači uputili putem portala AJN što čini sastavni dio tenderske dokumentacije, te zahtjevima koji su u sklopu tenderske dokumentacije definisani „Tačkom 3. PODACI O PONUDI“, podtačka „3.1.1. Ponuda mora sadržavati najmanje“, tačka k), kao i tačkom 10.14. iz Aneksa 3 – tehničke karakteristike.

- 4.2. Ponudu **ponuđača Medicom d.o.o. Bijeljina, ocijenila kao NEPRAVILNU jer ista nije ispunila** zahtjeve tražene tenderskom dokumentacijom, odnosno odgovorima od strane ugovornog organa na pitanja koja su ponuđači uputili putem portala AJN što čini sastavni dio tenderske dokumentacije, te zahtjevima koji su u sklopu tenderske dokumentacije definisani „Tačkom 3. PODACI O PONUDI“, podtačka „3.1.1. Ponuda mora sadržavati najmanje“, tačke g) i k) kao i tačkom 4.2. iz Aneksa 3 – tehničke karakteristike.
- 4.3. Ponudu **ponuđača Siemens Medicina d.o.o. Sarajevo, ocijenila kao NEPRAVILNU jer ista nije ispunila** zahtjeve tražene tenderskom dokumentacijom, odnosno odgovorima od strane ugovornog organa na pitanja koja su ponuđači uputili putem portala AJN što čini sastavni dio tenderske dokumentacije, te zahtjevima koji su u sklopu tenderske dokumentacije definisani „Tačkom 3. PODACI O PONUDI“, podtačka „3.1.1. Ponuda mora sadržavati najmanje“, tačke g) i k) kao i tačkom 10.14. iz Aneksa 3 – tehničke karakteristike.

U skladu sa naprijed navedenim zaključcima, Komisija je osim Zapisnika o pregledu i ocjeni ponuda broj 10-33-4-29775-2 od 26.09.2024.godine, sačinila i Izvještaj o radu Komisije broj 10-33-4-29775-2 od 26.09.2024.godine, te isto u skladu sa ZJN dostavila Ugovornom organu na dalje postupanje na osnovu čega je sačinjena i Odluka o poništenju postupka nabavke broj 73-04-4-34744 od 02.10.2024.godine, koja je skupa sa Zapisnikom o pregledu i ocjeni ponuda putem e-maila dostavljena 03.10.2024.godine svim ponuđačima učesnicima u predmetnom postupku nabavke.

5. U skladu sa definisanim rokom na Odluci o poništenju postupka nabavke broj 73-04-4-34744 od 02.10.2024.godine, za izjavu žalbe ponuđači Siemens Medicina d.o.o. Sarajevo i Berg d.o.o. Sarajevo su zahtjevali od strane ugovornog organa uvid u ponude što im je i omogućeno, te na osnovu istog su sačinjeni i Zapisnici potpisani od strane ugovornog organa i ponuđača koji su izvršili uvid u ponude (od 04.10.2024.godine i od 07.10.2024.godine)
6. Napomena: Svi akti navedeni u prethodnim tačkama su pravovremeno u skladu sa ZJN dostavljeni svim ponuđačima koji su dostavili ponude i učestvovali u predmetnom postupku nabavke (zapisnici, izvještaji, odluke...).
7. Nadalje, Ugovorni organ je na Odluku o poništenju postupka nabavke broj 73-04-4-34744 od 02.10.2024.godine, zaprimio **Žalbu broj INT2024-101 od 10.10.2024.godine (KCUS broj 73-11-34744-1 od 11.10.2024.godine)** izjavljenu od strane ponuđača **BERG d.o.o. Sarajevo**, koju je na osnovu izjašnjenja Komisije kao i Izjašnjenja Ugovornog organa broj 73-11-3-36620 od 16.10.2024.godine prosljedio na Ured za razmatranje žalbi - Filijala Sarajevo, Dubrovačka 6.
8. U skladu sa dostavljenim Izjašnjenjem Ugovornog organa na izjavljenu žalbu iz prethodne tačke, Ugovorni organ je zaprimio **Rješenje Ureda za razmatranje žalbi broj JN2-01-07-1-2740-6/24 od 07.11.2024.godine (KCUS broj 73-11-3-40678 od 15.11.2024.godine)**, kojim se usvaja žalba ponuđača **BERG d.o.o. Sarajevo**, te poništava Odluku o poništenju postupka nabavke broj 73-04-4-34744 od 02.10.2024.godine i predmet vraća Ugovornom organu na ponovni postupak.

Uzimajući u obzir kompleksnost i hronologiju predmetne nabavke u svrhu pravilne primjene Rješenja URŽ-a, Komisija je u skladu sa navedenim Rješenjem ponovno pristupila provjeri i evaluaciji dostavljenih ponuda, kao i uvidu u tehničku specifikaciju, objavljenu u predmetnom postupku nabavke i donijela slijedeće zaključke:

#### 1. Naziv i sjedište ponuđača čije ponude se prihvataju na osnovu rezultata pregleda i ocjene ponuda, i obrazloženje:

U skladu sa dostavljenim Rješenjem URŽ-a, odnosno iznesenim stavovima navedenog organa po pitanju svih žalbenih navoda žalitelja BERG d.o.o. Sarajevo, koje je u potpunosti usvojio, Komisija je nakon ponovne provjere i evaluacije ponude ponuđača BERG d.o.o. Sarajevo, utvrdila i donijela zaključak da je ista prihvatljiva i da ispunjava sve uslove koji su zahtijevani tenderskom dokumentacijom.

Obzirom na naprijed navedeno, Komisija je pri ponovnoj ocjeni i evaluaciji ponude ponuđača BERG d.o.o. Sarajevo, isključila paušalno upućivanje na formu i dala je prednost suštinskom sagledavanju i analizi dostavljenih dokaza za uslove definisane u tenderskoj dokumentaciji, i to za:

- **„Tačku 3. PODACI O PONUDI, 3.1.1. Ponuda mora sadržavati najmanje: k) pojedinačni certifikat/i serviser(a) (najmanje jedan) kojim ponuđač raspolaže, a kojim se dokazuje da su serviser/i osposobljen/i za održavanje ponuđene opreme (za stavke 1 i 2 iz Aneksa 2), kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Ugovor o poslovnoj saradnji ili Izjavu ponuđača o poslovnoj saradnji sa certificiranim serviserom za predmetni postupak obostrano potpisano)“.**

Pravilnim sagledavanjem postavljenog uslova utvrđeno je da ne postoje nikakva formalno pravna ograničenja za ispunjenje istog, i to poslovno tehničkom saradnjom sa pravnim licem. Kako u ponudi ponuđača BERG d.o.o. Sarajevo, postoji dokaz o poslovnoj saradnji sa pravnim licem koji sveobuhvatno podrazumijeva i obezbjeđenje certificiranog serviser(a) koji je osposobljen za održavanje predmeta nabavke, tako je ovaj zahtijevani uslov tenderske dokumentacije, u cijelosti dokazan.

- **„Tačku 10.14. ANEKSA 3 Tehnička specifikacija za nabavku digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizma KCUS-a, koja glasi: Sistem mora imati IVUS HD sa mobilnom ili integrisanom konzolom kao i opciju Co – registracije“.**

Komisija je nadalje u skladu sa dostavljenim Rješenjem ponovno pristupila ocjeni i evaluaciji i ove tačke pri čemu je isključila načelno zaključivanje sa ciljem pravilnog i dosljednog utvrđivanja činjeničnog stanja, te prihvatila i ujedno potvrdila stav URŽ-

a i za ovu tačku, kojim je utvrđeno da je imenovani ponuđač u svojoj ponudi kao i žalbi dao bliže argumente i dokaze po pitanju ovog uslova tehničke specifikacije u odnosu na izjašnjenje ugovornog organa, odnosno imenovani ponuđač je u sklopu svoje ponude dostavio izjavu proizvođača Canon kojom je jasno i nedvosmisleno potvrđeno da je ispunjen i ovaj zahtjev iz tehničke specifikacije, odnosno opcija Co – registracije.

## 2. Naziv i sjedište ponuđača čije ponude se odbijaju na osnovu rezultata pregleda i ocjene ponuda, i obrazloženje:

U skladu sa dostavljenim Rješenjem URŽ-a, Komisija je nakon ponovne provjere i evaluacije ponuda ponuđača **Medicom d.o.o. Bijeljina i Siemens Medicina d.o.o. Sarajevo, donijela zaključak i iste ocjenila kao NEPRAVILNE, te samim tim iste isključila iz daljeg toka natjecanja.**

- **Ponuda ponuđača Medicom d.o.o. Bijeljina, ne ispunjava** zahtjeve tražene tenderskom dokumentacijom, odnosno odgovorima od strane ugovornog organa na pitanja koja su ponuđači uputili putem portala AJN što čini sastavni dio tenderske dokumentacije, te zahtjevima koji su u sklopu tenderske dokumentacije definisani „Tačkom 3. PODACI O PONUDI“, podtačka „3.1.1. Ponuda mora sadržavati najmanje“, tačke:
  - g) koja glasi „*Potvrda o upisu medicinskog sredstva u registar medicinskih sredstava BiH izdato od Agencije za lijekove i medicinska sredstva BiH ili Izjava ponuđača da će ukoliko njegova ponuda bude odabrana kao najpovoljnija, u roku od 5 mjeseci (rok važnosti bankarske garancije za uredno izvršenje ugovora) od dana zaključivanja/obostranog potpisivanja ugovora, dostaviti „Rješenje o odobrenju stavljanja medicinskog sredstva u promet izdato od Agencije za lijekove i medicinska sredstva BiH (za stavke 1 i 2 iz Aneks-a 2)“*, a imenovani ponuđač za isto nije dostavio ni potvrdu kao ni izjavu.
  - k) koja glasi „*Pojedinačni certifikat/i serviser(a) (najmanje jedan) kojim ponuđač raspolaže, a kojim se dokazuje da su serviser/i osposobljen/i za održavanje ponuđene opreme (za stavke 1 i 2 iz Aneks-a 2), kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Ugovor o poslovnoj saradnji ili Izjavu ponuđača o poslovnoj saradnji sa certificiranim serviserom za predmetni postupak obostrano potpisano)“*, imenovani ponuđač nije dostavio certifikat kojim se dokazuje da ima osposobljenog/e serviser(a), koji bi bili zaduženi za servisiranje pratećeg sistema IVUS.

Nadalje, imenovani ponuđač je u Aneksu 3 – tehničke karakteristike - tabela „DIGITALNI ANGIOGRAFSKI SISTEM ZA INTERVENTNE KARDIOLOŠKE PROCEDURE SA 3D DIGITALNOM SUPTRAKCIJSKOM ANGIOGRAFIJOM“ u dijelu opis traženih karakteristika za tačku 4.2. koja glasi „**Veličina male fokusne tačke maks. 0,4 – 0,5 mm**“ upisao **DA** čime je potvrdio traženo, mada je Komisija uvidom u katalog dostavljene ponude na strani 219 (numeracija od strane ponuđača) utvrdila da vrijednost omjera od **0.4 do 0.7 mm** za malu fokusnu tačku **što u suštini prevazilazi traženi parametar i samim tim ne ispunjava zahtjevano.**

**Iz gore navedenih razloga ponuda ponuđača Medicom d.o.o. Bijeljina se ocjenjuje kao NEPRAVILNA i samim tim se isključuje iz daljeg toka natjecanja.**

- **Ponuda ponuđača Siemens Medicina d.o.o. Sarajevo, ne ispunjava** zahtjeve tražene tenderskom dokumentacijom, odnosno odgovorima od strane ugovornog organa na pitanja koja su ponuđači uputili putem portala AJN što čini sastavni dio tenderske dokumentacije, te zahtjevima koji su u sklopu tenderske dokumentacije definisani „Tačkom 3. PODACI O PONUDI“, podtačka „3.1.1. Ponuda mora sadržavati najmanje“, tačke:
  - g) koja glasi „*Potvrda o upisu medicinskog sredstva u registar medicinskih sredstava BiH izdato od Agencije za lijekove i medicinska sredstva BiH ili Izjava ponuđača da će ukoliko njegova ponuda bude odabrana kao najpovoljnija, u roku od 5 mjeseci (rok važnosti bankarske garancije za uredno izvršenje ugovora) od dana zaključivanja/obostranog potpisivanja ugovora, dostaviti „Rješenje o odobrenju stavljanja medicinskog sredstva u promet izdato od Agencije za lijekove i medicinska sredstva BiH (za stavke 1 i 2 iz Aneks-a 2)“*, a imenovani ponuđač za isto nije dostavio ni potvrdu kao ni izjavu.
  - k) koja glasi „*Pojedinačni certifikat/i serviser(a) (najmanje jedan) kojim ponuđač raspolaže, a kojim se dokazuje da su serviser/i osposobljen/i za održavanje ponuđene opreme (za stavke 1 i 2 iz Aneks-a 2), kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Ugovor o poslovnoj saradnji ili Izjavu ponuđača o poslovnoj saradnji sa certificiranim serviserom za predmetni postupak obostrano potpisano)“*, imenovani ponuđač nije dostavio certifikat kojim se dokazuje da ima osposobljenog/e serviser(a), koji bi bili zaduženi za servisiranje pratećeg sistema IVUS.

Nadalje, imenovani ponuđač je u tabeli „DIGITALNI ANGIOGRAFSKI SISTEM ZA INTERVENTNE KARDIOLOŠKE PROCEDURE SA 3D DIGITALNOM SUPTRAKCIJSKOM ANGIOGRAFIJOM“ u dijelu opis traženih karakteristika za tačku 10.14. koja glasi „**Sistem mora imati IVUS HD sa mobilnom ili integrisanom konzolom kao i opciju Co-registracije**“ upisao **DA** čime je potvrdio traženo, mada je Komisija uvidom u ponudu na strani 34 (numeracija od strane ponuđača) utvrdila da ponuđeni uređaj ACIST HD IVUS SYSTEM nema opciju CO-registracije niti ima katalog kojim to dokazuje.

**Iz gore navedenih razloga ponuda ponuđača Siemens Medicina d.o.o. Sarajevo se ocjenjuje kao NEPRAVILNA i samim tim se isključuje iz daljeg toka natjecanja.**

Uzimajući u obzir naprijed donesene zaključke Komisije kao i stavove dostavljenog Rješenja URŽ-a, zatim činjenice da je za ovaj postupak javne nabavke planirano provođenje e-aukcije koje se u skladu sa Pravilnikom o uslovima i načinu korištenja e-aukcije, (Službeni glasnik BiH br. 80/23) član 4. Stav 2) u kojem je regulisano kako se e-aukcija ne može provesti u slučaju prijema jedne

prihvatljive ponude, Komisija predlaže da se za „Nabavku digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a“ postupak okonča u skladu sa članom 69. 1) a) ZJN (Sl.glasnik BiH br. 39/14, 59/22 i 50/24 ).

#### PRIJEDLOG KOMISIJE

Uzimajući u obzir dostavljeno Rješenje URŽ-a, kao i naprijed navedeno, Komisija jednoglasno daje prijedlog Ugovornom organu da se nakon provedenog otvorenog postupka sa Obavještenjem o nabavci broj 893-1-1-148-3-376/24 od 26.04.2024.godine, Ispravke obavještenja o nabavci broj 893-1-1-148-8-479/24 od 18.06.2024.godine i Ispravke obavještenja o nabavci broj 893-1-1-148-8-624/24 od 12.08.2024.godine za „Nabavku digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a“ donese Odluka o izboru najpovoljnijeg ponuđača i ugovor o nabavci dodjeli ponuđaču **BERG d.o.o. Sarajevo, koji je jedini dostavio prihvatljivu ponudu u iznosu od 1.999.900,00 KM bez PDV-a**, u skladu sa Aneksom 3 – tehničkom specifikacijom, odnosno dostavljenom ponudom broj P-PON-24-02011/24 od 13.08.2024.godine (KCUS broj 10-11-3-29746 od 20.08.2024.godine)

Prijedlog Komisije je prihvaćen i donijeta je odluka kao u dispozitivu.



V.D. GENERALNOG DIREKTORA KCUS-a

Prof.dr Hajrija Maksić

**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima
- Službi za javne nabavke
- a/a KCUS